

金石三例
再續編


槐廬署

李富孫漢魏六朝墓銘纂例

馮登府金石綜例附金石跋文

梁廷枏金石稱例附續編

光緒戊子春月校刊
朱氏行素州堂藏板



金石三例再續編序

文章者博學而詳說行乎其所當行止乎其所當止夫何例之有然而經垂訓史記事舉必遵道用不違義分馳而合軌殊體而一致是雖不以例言而例在其中顧未有明言之者有之自杜氏春秋釋例始金石之文蓋史之餘體自三代以降文之以金石傳者不知其凡幾亦未有明言其例者有之自潘氏昂霄金石例始是言例之書非古也而今之作者固不可以不知矣然潘書雖舉金石爲名僅以韓文爲斷王氏行病其未廣頗有附益箸爲墓銘舉例黃氏宗羲又辯正潘書而補輯之爲金石要例乾隆間盧氏見曾嘗彙爲一編曰金石三

例惟三例大抵取自唐宋人之文而他尙略讀者猶未
饜焉於是繼而作者上自三代下訖宋元益推求其例
之所在以輔三例之不足僂指以計不乏名家曩馮竹
儒觀察與朱君懋之將徧蒐其書以廣盧氏之意既觀
察得王氏芑孫三例評本重付諸梓未幾觀察歸道山
懋之乃與徐君子靜裒集梁氏玉繩金石例補郭氏磨
誌銘廣例劉氏寶楠漢石例爲金石三例續編猶觀察
意也而懋之復勤求不倦比年又訪得李氏富孫漢魏
六朝墓銘纂例梁氏廷柑金石稱例馮氏登府金石綜
例仍彙而刊之曰金石三例再續編凡世所言金石例
之書幾乎備矣盧氏輯刊於前觀察踵議於後懋之乃

集其成將以與夫世之爲金石文者博攷而約守之知夫例所以律文文之境無盡而例之用亦無窮若夫會古今之通達常變之宜行乎所當行止乎所當止則又在讀者之神而明之矣光緒十有四年二月華亭閔萃

祥撰

漢

魏

六

朝

墓

銘

纂

例

光緒丁亥校刊
行素州堂藏版

古之葬者有豐碑。呂窆。鄭康成謂斲大木如石碑。劉熙言碑本葬時所設。臣子追述君父之功。呂書其上。春秋時孔子題延陵季子墓。碑一十字。歷秦迄漢。有墓闕有神道。第猶尙簡質。不過題數字記姓名而已。其有文而傳於後者。放於東都謁者景君墓。表厥后伐石。棨銘盛於一時。是皆祿縣綽下窆之石。葬遂刻文於其上。至晉代始有墓誌。呂薶諸幽室。然管衛靈公葬沙邱。掘得石椁。銘開元時人耕地。得比干墓誌。刻其文。呂銅槃。漢滕公夏侯嬰。得定葬石銘。呂覽安死篇云。爲石銘。置之壟上。則其來亦遠矣。魏武帝時。禁立墓碑。晉令諸葬者不得。作祠堂。碑石獸。下逮六朝。文字漸罕。及唐宋而復盛。

韓柳諸公易整爲散體格亦大變明初王止仲呂唐宋
十五家碑誌謨墓銘舉例四卷撮例之要十有三事已
足呂摺其大凡顧十五家之文譬諸黃河之水已過積
石龍門但見其流之飀輸奔注而未知昆侖呂上之原
之所在也然則欲溯墓銘之原者必於東漢之世文辭
體例參錯不一其諱字姓氏鄉邑族出與壽卒葬有
書有不書至妻若子或合葬及樹碑則書之而書葬地
廡見於蔡中郎諸碑非若後世之必欲詳著之南北朝
多駢偶猶是漢製體修詞之意鄱易洪氏謂漢人銘墓
皆一律殆祇論其文而未窅其例也予惟鄉前輩朱竹
垞檢討之言因取洪氏隸釋隸續所載益呂六朝人碑

製及有墓石之出於近世者略仿止仲之瀛臚而刻之
曰墓銘纂例其敍其銘雖各異體舉皆可見則合止仲
之例觀之庶不至沿其流而忘其原也與

嘉慶七年歲在元默閏茂涂月朔李富孫自序

漢魏六朝墓銘纂例卷一

嘉興李富孫學

謁者景君墓表

漢元初元年

首書某年月日卒次敘刻碑之由次作辭次作銘此正例也碑陰有諸生服義者十五人義士一人餘儻弟子皆立碑之人也洪氏适曰東都自路都尉始見墓闕蓋表阡銘壙之濫觴也有文而傳於今則自景君始朱氏彝尊曰墓有表古也始於漢謁者景君其崇四尺其制圭首方趺其文由左而右誌石納諸壙中而表立於既葬之後所以表封陌限樵牧述功美禮不可以廢也

郟令景君闕銘 元初四季

首書某年月日卒與謁者景君同例下即述景君事

又一例也墓闕語多從略此為較詳

李昭碑 元初五季

首書諱字族望不著姓以有額篆漢故李君之碑也

此碑篆書共額七十三字各家俱不載

北海相景君銘 漢安二季

首書惟某年月日卒而不載其名字與前兩景君碑

同例下述故吏諸生之論佗誅辭四言用韻後又有

爾日亦四言句末用兮字為語助若楚辭此變例也

碑陰三列第三列姓名下云行三季服者凡八十七

人末有四言韻語十八句以志立石著辭之意又一
例也全氏祖望曰有誄又有亂亦唐以後碑所希錢
氏大昕曰碑末云諒闇沈思又云陵成宇立諒闇卽
亮陰似非臣下可用而稱墓爲陵亦後世所宜回避
也梁氏玉繩曰北海相景君樊敏柳敏諸碑銘後皆
有亂曰一段綏民校尉熊君碑銘詞之後又有追敘
君兮一段楊炯成知禮神道碑銘倣此製也

敦煌長史武斑碑

建和元年

首書立碑年月日著官爵著姓不言某郡人此又一
例也洪氏曰漢碑多門生故吏所立至於同舍爲之
者惟武斑及柳敏兩碑梁氏曰碑末一行云紀伯允

書此碑費鳳碑其妻弟卜君作費鳳別碑石勳作東漢石刻列撰書及鐫字姓名不可枚舉此例實始於漢特款式與今多異耳

縣三老楊信碑

和平元季

首書故縣三老楊信字伯和與費汎苑鎮諸碑同季書季壽無歲月略也後無銘辭

嚴訢碑

和平元季

先書其所終歲月及壽考有嗟惜之辭踰百言韻語始繼以辭云伊歎嚴君遂敘其諱字行事洪氏曰與費鳳兩碑略相似銘詩亦五言列種諸奇樹一句又同豈此碑亦卜君所佗乎

從事武梁碑 元嘉 元季

首著官廢姓氏與武斑碑同例後敍卒年及子孫以

立此碑也碑辭閒用韻此漢碑常例也

郎中王政碑 元嘉 三季

碑辭整潔所書祖父及官秩卒季皆正例也

平都相蔣君碑 永興 元季

首著諱字并歷敍世爵碑辭亦多用韻此竝常例也

姚氏龔曰班孟堅燕然山銘序亦用韻即秦琅邪刻

體

孔謙碣 永興 二季 兩漢金石記作孔德讓碑

直書姓名字非門生故吏所立也孔君為都尉宙次

子敘其祖述家業弱冠仕歷郡曹史書卒年月而止
無銘辭通計七十二字甚簡美此表碣之例也沈氏
彤曰唐之葬令凡五品以上爲碑龜趺螭首降五品
爲碣方趺圓首是碑與碣異制也明制三品以上神
道碑四品以下黃黎洲謂自有墓表更無墓碣知墓
表亦方趺而圓首是碣與表同制也隋唐人之命碑
碣表多稱其實後世或有碑其碣而碣其表者然攷
本朝律處士不禁其用表碑與碣惟品官得立與
唐令不殊則槩石固有定制而名號亦不得僭號今
之所槩但用碣制而定名墓表焉其可也

益州太守無名碑

永壽元年

首書某季月日卒與謁者景君碑同例卒葬皆不書略也碑辭後稱亂曰與北海相景君銘同亂辭七言第一句九言皆用兮字閒語碑左書功曹掾故吏題名四十八人又一例也碑陰書故吏三人則在趺之右也

吉成侯州輔碑

永壽二季

碑載建和二季詔冊與袁良碑同例洪氏曰此碑敘其厯事六帝四后詳贍有史法與漢代宅碑體格絕不同碑陰四十九人其八人稱邑者皆南陽也延篤不稱邑則隳之人也

元文先生李子材碑

永壽二季

首稱元文先生尊之也文辭體例與瑯琊王傅碑同
後述及娶配無嗣而考諡元文敘入銘詞又一例也

瑯琊王傅蔡公碑

永興六年

詳敘族出不著郡邑鄉貫畧也文閒用韻銘辭四言
不用銘日又一例也

郎中鄭固碑

延熹元年

大男孟子天卒竝葬故碑辭及銘皆述之金石藏跋
云父子合葬古禮所希而鄭君大男共墳配倉獨詳
此碑序云七歲卒歐公不見全碑全氏曰碑文譎劣
之甚崔蔡之波靡也其云大男孟子有揚烏風七歲
而天配倉斯坛蓋祔葬者亦金石文字中一例也梁

氏曰陸放翁詹朝奉靖之墓表兼述其子長民事末云朝奉公之子阜民以父兄遺事屬予爲墓表且曰願共爲一碑而疑古未有比予謂石元懿公熙載及其子文定公中立實同一碑故相蘇魏公所爲也是爲此案鄭固碑子祔父葬其一碑漢已有其例矣

議郎元賓碑

延熹二年

碑無額每厯一官下佗讚美數語此漢碑體例也

汝南周巨勝碑

延熹二年

文辭銘言頗爲整贍先書卒年加以讚美後書年壽

又一例也

中常侍樊安碑

延熹二年

首書漢故中常侍騎都尉樊君之碑無額此變例也
末又載延熹元年八月丁酉贈騎都尉制詔又一例
也王氏止仲曰墓碑銘始於漢洪适隸釋所載俱有
額無題惟樊安碑首行有題無額額字有多至二十
餘字者題額之簡非例也既題額又題文亦非例也

江原長進德碣

延熹三年

書其諱字而不著其姓又僅載官秩及某年造作洪
氏云似闕非闕似碑非碑又一例也

費亭侯曹騰碑陰

延熹三年

一建和元年七月己巳梁太后臨朝時遣就國策書
一桓帝袞贈制書不書立石之人以己見正碑而附

刊二詔策此又一例也後世如顏魯公佖宋廣平神道碑有碑側記以補碑文之所未備卽此古碑陰之體

冀州刺史王純碑

延熹四季

諸碑葬不書此獨書某季月日葬特加詳也後不曰辭曰銘而曰頌又一例也碑陰百九十三人首行諸門生人名後又云各發聖心共出義錢埤碑直紀姓名下有山陽顏遂成二十一人聖心二字亦非後世所宜通用洪氏曰皆義士故不名其上門生亦書字者蒙下文而一律也朱氏曰漢人書名必具名字此碑自馮定伯而下悉字而不名與太尉楊震高陽令

楊著元儒先生婁壽三碑相同亦門生之變例也

封邱令王元賓碑

延熹四年

碑辭銘言皆正例也碑陰有立碑錢各五百之文又有右奔罍右斬衰三季之文亦可見東漢風俗之厚洪氏曰碑言門徒雨集盛於洙泗故衰杖過禮等於事父也

平輿令薛君碑

延熹六年

首書某年月某君卒吏民咨其德建碑墓側凡三十六字繼以銘辭四言三十八韻其先世及薛君官秩皆詳敘之此變例也昌黎臨川多祖之洪氏曰此銘以君功承堅南清誼攀數聲爲一章詞句鏗鏘若合

音律漢人佗銘頌用韻多如此韓文公此日足可惜
詩出入數韻中正用此體

朱公叔墳前石碑

延熹六年

首書維漢某年月日卒某月日葬於某地次述其孤
受命不崇墳及佗祠設石其郡邑族出厯官賜諡俱
不書銘詞四言畧述事跡此又一例也

泰山都尉孔宙碑

延熹七年

首題曰有漢泰山都尉孔君之銘此有額而復題於
前末又書某年月日造此一例也洪氏曰凡漢刊其
首行卽入詞无額者或題其前如張納樊安之比亦
甚少已篆其上復標其端惟此碑爾宙卽融之父有

七子曰褒曰謙皆見於碑誌此皆不書略也牛氏運
震曰此碑有額而首行復有標題隋唐以來碑式之
禮也

孔宙碑陰

門生四十二人門童一人弟子十人故吏八人故民
一人洪氏曰漢碑多有陰然稀少有額獨此刻以門
生故吏名五大篆表其上此又一例也錢氏曰碑陰
額云門生故吏名題名三列凡六十有二人每人具
書郡縣名字漢碑之取謹嚴者惟弟子魯國戴璋不
書某縣未審其故翁氏方綱曰碑陰題額惟是碑與
鄭季宣碑陰有之而季宣陰額橫書此直書其式又

異也

太尉楊公碑

延熹八年

蔡邕撰

書諱字郡邑里貫後詳敘世爵以其為顯族也歷敘官爵不事揚厲卒書季壽月日復為贊論銘詞三言以於戲代詞曰又一例也

山陽太守祝睦後碑

延熹九年

首書故吏某等佗頌所自頌言每多用韻後又有辭曰三言此一例也

山陽太守祝睦碑

延熹十年

此前碑刊於立後碑之次季碑辭銘言皆正例也姚氏曰漢人佗碑文又加以序序之體蓋秦刻琅邪具

之

荆州刺史度尙碑

永康元年

碑辭卒不書歲月末題一行永康元年丁未是記立碑之歲也

車騎將軍馮緄碑

桓帝時延熹五年緄爲車騎將軍終於廷尉後云一要金紫十二銀艾七墨綬明其尊榮也不佗銘詞特書遺令諡法亦所宜詳也洪氏云緄終於廷尉而以將軍題碑者尊金紫也威宗以命將武功定諡緄亦虎臣之一云云適當其時故佗文者以帝諡書左方此又一例也

執金吾丞武榮碑

武君以孝廉起家不書某郡邑人畧也不書卒壽歲月與楊震諸碑例同云仁如不壽則年不永也後書吳郡府卿之中子燉煌長史之次弟又一例也王氏宏撰曰碑額漢故執金吾丞武君之碑十字作陰文凸起它碑所無

沛相楊統碑

建寧元年

碑辭銘言俱極整妙此正例也碑陰十五人不稱郡洪氏曰皆沛人也

竹邑侯相張壽碑

建寧元年

碑銘與祝睦碑同例

衛尉衡方碑

建寧元年

碑辭亦多用韻漢碑中最高為整贍書某年月日葬與王純碑同例洪氏曰銘文甚溫潤如云鶉火光物隕霜剽姦尋李廣之在邊恢魏絳之和戎唐人誌墓多用此體山左金石志云此碑末行下有小字二行云口門生平原樂陵石朱登字仲口口泐三字洪氏謂卽文內采石鐫碑之人不書於陰而坳文後且不書故吏之名皆漢碑中變例也

冀州從事張表碑

建寧元年

碑辭俱作四言韻語末四句又作五言韻語與費鳳碑文體相類卒後書葬亦與王純碑同例昌黎作施

州房使君鄭夫人殯表通體用七言韻語族出夫姓
殯日竝爲敘述亦倣漢碑體制朱氏曰嘗怪六朝文
士爲人他碑表志狀每於官闕之下輒爲對偶聲律
引它人事比擬令讀者莫曉其生平而斯碑敘述全
用韻語不意自漢已有他俑者

陳畱太守胡公碑

建寧元季

不書郡邑略也歷敘官階及詔使送葬具祠賜贈皆
正例也

太守胡公碑

建寧元季

書諱字族出及所歷官闕率季月日詔祠賜贈而不
詳其事跡至官屬赴送獨詳述其悃怛之慕此又一

例也

堵陽長劉子山斷碑建寧元年

碑辭銘言皆正例也云亾有高諡碑中竝未之載

金鄉長侯成碑建寧二年

首敘世次碑末另書夫人以延熹七年歲在甲辰十一月三日庚午遭疾終蓋祔葬者此變例也顧氏炎武曰漢碑未有志其夫人者此碑末云夫人以某年月日遭疾終又郎中馬江碑云夫人冤句曹氏終溫淑慎咸曰女師年五十五建寧三年十二月卒此後人佗碑并志夫人之始朱氏曰疑東京之俗夫婦同穴者寡故廣漢屬國侯李翊洎夫人臧其墓竝在渠

州各自井椋樹碑終漢之世侯君而外夫婦合葬僅
有郎中馬江并書夫人兔句曹氏耐焉

孝廉柳敏碑

建寧二季

首書故孝廉柳君重其行也後書縣長立碑歲月佗
兩辭曰一四言韻語一四言次句用兮字助語又一
例也褚氏峻曰碑陰無字刻一鳳一麟中有牛首啣
環兩旁玉器二人右瑁一圭一璧一左琮璋一璜一
蓋以圖器表其美德也

郭有道碑

建寧二季

首敘諱字郡邑族望次述行誼及年壽卒年月日銘
辭四言皆正例也

處士圈叔則碑

建寧二季

首書伊漢二十有一世處士某者尊之也不敘世爵
非顯族也文亦多韻語漢碑常例也

童幼胡根碑

建寧二季

首書故陳畱太守胡君子某因其父而重之也殤不
書月日畧也銘詞四言九韻六七言騷體五韻俱用
庚耕清青韻亦變例也顧氏曰攷蔡中郎集胡廣陳
寶各三碑橋元楊賜胡碩各二碑又袁滿來年十五
胡根年七歲各有碑夫一人而至二碑三碑冗矣殤
子而為之立碑濫矣

案楊賜亦三碑

漢交趾都尉胡夫人黃氏神誥

建寧二季

首書氏字族出次敘繼室撫育二孤得歷公卿宰牧
暨孫仕進夫人享有寵光次書年壽卒年及其孫卒
月日孤奉遺意某月日同孫葬於雒陽某阿詔使送
葬賻祠具書故又變稱神誥創例也頌辭四言敘次
詳明已肇韓柳墓碑之變體矣

郎中馬江碑

建寧三季

文又述其中弟位主簿督郵早世短折是兄弟其一
碑也洪氏云其閒載建寧三年夫人曹氏卒蓋相去
十七季矣又載其弟文緒年三十二早世當是因夫
人卜兆以馬君共塋又同時改厝其季故作碑并言
之此又一變例也梁氏曰碑稱先君之庚地此葬地

書向堪輿家羅經之術見於文中漢以來有之矣

淳于長夏承碑

建寧三年

碑銘與祝陸諸碑同例全氏曰漢人於碑碣中世系多不填諱先儒已有非之者是碑於東萊府君不名獨太尉據得列名而右中郎將又不名不知其何說也梁氏曰東漢碑多不書先世名諱趙德夫云爲子孫作銘不欲名其父祖此最得體案集古錄金石錄隸釋隸續所載漢碑皆書官而不書名亦當時一例隋以前猶如此至唐則罕見矣

太傅胡公夫人靈表

建寧三年

首書族姓及字并某年來嫁而不言胡公夫人以有

題額也詳敘五男名字及官階早世以其先夫人而
歿也卒不書月日畧也後書附於太夫人窀穸則非
夫婦合葬也末稱元女鑄珉無子嗣也題稱靈表頌
辭皆六言又一例也

慎令劉修碑

建寧四季

卒後書弟孤某某立此碑著其實也銘辭四言末二
韻用兮字助語亦通例也洪氏曰漢碑多門生故吏
爲之此則其二弟三子所立

博陵太守孔彪碑

建寧四季

孔君不終於博陵而碑題博陵太守與馮緄碑同例
書卒後又作數行若歌詞又一例也趙氏明誠曰孔

君自博陵再遷河東而碑額題博陵莫曉其何謂洪氏云漢人題碑固有用前官如馮緄魯峻者蓋其函甘棠之惠痛夏屋之傾相與刊立碑表故以本郡題其首此一例也張氏墳曰此碑爲博陵故吏所建故題其前官也

北軍中候郭仲奇碑

建寧五年

歷敘惠兄三人順弟四人俱膺茂選以見棣華之盛又一例也

太傅文恭侯胡公碑

建寧五年

首書諱字及某之子次敘歷官略述事跡次及年壽卒年詔贈賜諡此正例也後書四月丁酉葬於洛陽

瑩此後人書葬地之權輿也

太傅胡公碑

首書維漢某年月日薨而不著其諱字與三景君碑同例次書某月日葬竝述掾某等之辭又一例也先舉其德及誘人爲政次敘官爵亦總約其數與陳太邱碑同後述致治竝開用韻語此漢碑常例也

胡公碑

首書諱字郡邑族出歷敘官爵竝作讚美數語間亦

用韻與議郎元賓諸碑同例後敘壽年卒季贈諡與前碑同三碑互有詳略其言故吏某等所立皆紀實也梁氏曰蔡中郎集胡廣陳實各三碑橋元楊賜胡

碩各二碑水經注金石錄隸釋張平子陳球各三碑

祝睦郭禧劉寬秦頡趙越樊重各二碑魏黃權四碑

則是東漢以來固有一人而至三碑四碑者

故民吳仲山碑熹平元年

首書某年月上旬此立碑之歲也稱公不書名尊之

也碑辭俱韻語不佗銘又一例也洪氏曰漢之仕者

歿有遺愛其州縣之民為之采石鑿銘則自稱曰故

民吳公匿迹韜光不答聘名佗碑者體其謙晦之操

故以民稱之所謂故民者物故之民也梁氏曰吳仲

大山碑字而不名容齋三筆云碑誌之作本孝子慈孫

欲稱揚其父祖之功德播之當時垂之後世當直存

其名字無所避隱然自唐及本朝名人文集所志往往只君諱某字某殆與求文揚名之旨不相契故民而稱之曰公亦例之異者

司隸校尉魯峻碑

熹平二年

魯君以屯騎校尉遜位而碑題司隸校尉與馮緄碑同例卒葬俱書門生汝南于勅等三百廿人私謚其子立石敍哀隸續載斷碑陰九十一人皆書姓字而不名與王純婁壽碑同一例也二人書貫餘不書者皆山陽人也近崑山葉氏奕苞親至碑下所存止尺有七寸其下四橫橫二十有口人計其上當有十橫也金薤琳瑯所載更脫平原王口子行以下八人則

漢書卷之五十五 卷之五十五
三
故吏門生竝書之洪氏云漢人所書碑誌或以所重
之官揭之司隸權尊而秩清非列校可比亦猶馮緄
舍廷尉而用車騎也故碑辭中特書某年月日拜又
一例也梁氏曰魯峻碑是子爲文刊石以述其父而
稱之曰君魯公爲父顏君廟碑稱父曰君裴道安墓
志乃其族叔裴朏撰稱道安爲君蓋古人通乎上下
而稱之

廣漢屬國候李翊碑

熹平二年

碑辭銘言與祝睦諸碑同例察舉孝廉遭憂去官俱
書年較詳也洪氏曰中有語停意對倒用趁韻者此
句法也

彭城姜伯淮碑

熹平二季

體例與范史雲碑相同其辟舉徵拜俱約敘其事以
其所重不在此也

司隸校尉楊淮碑

熹平二季

首書故司隸校尉楊君與苑鎮諸碑同例淮終河南
尹而題司隸校尉與魯峻諸碑同例不書邑貫世爵
但敘其官秩不及行事并敘其弟末云俱某之元孫
又一例也後稱某以某年月日過其墓爲勒此銘然
竝無韻語與韓仁銘同蓋古人製銘或韻或不韻也

光緒歲在丁亥仲春之月吳縣朱記榮槐廬家塾校刊
漢魏六朝墓銘纂例卷一終

漢魏六朝墓銘纂例卷二

嘉興李富孫學

元儒先生婁壽碑

熹平三季

首書先生尊之也 國人相與論德處謚曰元儒先生
碑辭不載以有題額也故與魯峻碑不同魯峻不題
私謚而婁壽書私謚以無官職可題又一例也碑陰
共五十八人稱南郡汝南者二人婁姓十二人餘不
書郡皆南陽人也 諸人所書者皆其字與王純碑同
例葉氏奕苞曰諸人皆書字似非所以尊婁先生者
豈以其鄉里而字之邪

繁陽令楊君碑

熹平三季

碑辭銘言與祝睦諸碑同例碑陰百三十四人不書
郡邑皆繁陽人也洪氏曰嘗仕於異邦惟一朗陵長
亦稱故民者桑梓之敬也

堂邑令費鳳碑

熹平六年

首書某年歲格某月卒妻弟卜君追誄佗碑誄辭四
言閒有五六言誄後載故吏施業義民戚忠二人送
終事辭皆五言後有門下功曹題名九人此又一變
例也費君不書諱字畧也題名俱稱字曰某與謁者
景君孔宙孔彪諸碑同例梁氏曰黎洲云誄亦納于
壙中案費鳳碑追而誄之景君銘乃作誄曰嚴訢碑
故著名誄是以誄爲銘也

費鳳別碑

首敘舅家中孫石勛以其敘詩也其詩先諱字世系
歷官繼以韻語六十句其三句六言餘皆五言非誄
非銘又一變例也趙氏以為碑陰者非

斥彰長田君斷碑

熹平六年

歷敘高曾祖考官屢卒書歲月并及其子名字以其

改留刊石也

豫州從事尹宙碑

熹平六年

首書諱字敘其先所出之氏次敘其家鄢陵克纘祖
業治公羊春秋及所歷官閏年壽卒此正例也錢
氏曰碑稱君東平相之元會稽太守之會富波侯相

之孫守長社令之元子稱曾稱元而去孫字亦舛例也梁氏曰劉熊碑光武皇帝之元尹宙碑東平相之元會稽太守之會皆省去孫字顏魯公錢唐縣丞殷君夫人碑倣之

太尉陳球碑

光和二季

碑辭銘言皆正例也洪氏謂球爲廷尉永樂時一辭不措殆有所畏而然則非畧也碑陰故吏故民四十一人各書出錢之數前二行特書兩人之事與它碑不同洪氏曰其中皆有息字次行息之上又有早終字蓋謂二人已卒所出緡錢則其子也碑以二人居右必其府之元僚也

陳球後碑

體例與前碑相同無碑陰

丹楊太守郭旻碑

光和二季

銘辭後載碑石狹小加有瑕癥其從子五原太守鴻因葬太尉公遂與其孫范不改前文重立此碑又重

刊石之例也

冀州從事郭君碑

光和三季

歷敘先世具書年壽卒葬碑辭多四言韻語亦常例也文末不加銘曰二字與李翊碑同後敘考妣兄弟配嗣傷悼并及建石之意

童子逢盛碑

光和四季

書名集卷三

朱氏槐廬校刊

漢人題名必書名字此碑陰崔孟祖以下七人曰縣
中士大夫祇稱字與婁壽諸碑同例後又有徐承數
人曰家門生刁真逢信在家門生之左洪氏曰碑陰
七人其父黨也故不名曰家門生又其微者亦當

安平相孫根碑

光季

敍父叔兄而兼曰某令之考以其子卜葬也碑陰二
百四十四人異姓纔十之一趙氏曰嘗觀漢時碑碣
載其家世皆止書官爵蓋爲子孫佗銘不欲名其父
祖此取爲得體然非當代顯人則遂莫知其爲何人
也洪氏曰似是孫根后裔衆多譜其名於上世之下
碑陰異姓有王劉數人豈其姻戚乎

涼州刺史魏元丕碑 光利四季

體例與祝睦諸碑同

太尉橋公碑 光利七季

首敘諱字郡邑與廟碑異族望亦稍略歷敘官爵不詳其事跡已見於廟碑也書卒後復總美數語又一例也廟碑書九月乙酉葬於某所此不書者可以互見梁氏曰盧學士云橋公廟碑舊本銘在前次述諱字及橋氏之先其後係以四銘本相連屬明張溥大移易之與蔡文中所云不合案銘在文前古人碑誌

未見

司徒袁公夫人馬氏靈表 光利七季

先書某年夢某月葬哀子某銜恤哀痛采石南山次
敘夫人郡邑族出及德性化導并書卒壽申辭四言
皆正例也其稱靈表與胡公夫人同

司隸從事郭究碑

中平元季

歷敘諸父與郭仲奇碑同例卒不日葬書奉月又一
例也歐陽氏修曰前世碑碣但書子孫而不及兄弟
惟郭氏碑載其兄弟甚詳

幽州刺史朱龜碑

中平二季

後稱頌曰與王純碑同例水經云故吏別駕從事史
右北平無終牟化中平二季造碑

外黃令高彪碑

中平二季

首行闕十四字姓氏族里皆磨滅惟銘詞有光光高
君洪氏據范書以為高彪碑卒書龍在月次末書某
年龍旂月次立碑又一例也

太尉劉寬碑

中平二季

詳書世尚著漢宗室也辭稱公卒稱夢太尉本三公
也贈爵賜諡特加詳者重典禮也葬書月日以其賜

珍祿也

劉寬後碑

文辭體例與前碑相同末書門生某等其所興立洪
氏云劉公兩碑俱有陰隸續載一書門生名每人不
書門生字出錢之數或書或不書凡十一郡三百餘

人後俱書右某郡一故吏名每人皆書故吏無出錢
數又各書郡邑與門生碑陰又一例也

貞節先生范史雲碑

中平二季

文辭銘言不簡不支皆正例也

尉氏令鄭季宣碑

中平三季

文半磨滅洪氏所著者二百七十許字僅存卒葬年
月碑陰篆刻其上曰尉氏故吏處士人名與孔宙碑

陰同例

陳太邱碑

中平三季

首書諱字郡邑不著族望畧也所歷功曹應辟召但
總約其數此簡法也後述大將軍錫謚搢紳儒林論

謚之辭并太守曹府君誄辭又一例也

文範先生陳仲弓碑

中平三季

敘諱字郡邑竝著族望常例也三府辟召視前碑及廟碑敘次加詳僅載文範先生之謚以題碑額也後述孤嗣定兆域亦後人書葬地之例也

小黃門譙敏碑

中平四年

碑中敘其父及弟昆竝不著其職秩以有題額已書小黃門又一例也末書某年月日造

趙相劉衡碑

中平四季

不敘先世而云厥先尙矣以漢同姓也年壽卒葬俱書亦正例也

議郎胡公夫人哀讚

中平四年

書氏字而不著族出非貴顯也次敘夫早世誨孤勸
遣到官著其賢也後書考君同穴則亦合葬也神誥
哀讚俱書於碑又似靈表墓銘之體後辭四言十四
韻五六七八言十一韻與胡根碑例同梁氏曰蔡中
郎胡公夫人哀讚云仰瞻二親或有神誥靈表之文
作哀讚書之於碑此以哀讚爲銘也

園令趙君碑

初平元年

不敘世崗殆非顯族也碑辭簡質銘三言頗爾雅可
誦碑末書某年月日立全氏曰金石之文予取愛是
碑之簡淨獨其銘詞則夸大不當耳

巴郡太守樊敏碑

建安十年

碑辭閒佻韻語此常例也卒書歲在不書月日畧也
銘辭四言後又有亂曰與北海相景君銘同例末書
某年月造并書石工某息某書

益州太守高頤碑

建安十四年

卒不書年壽略也後稱頌曰與王純碑同例洪氏曰
又有兩闕徧舉其官故此不加詳也

處士國文甫碑

建安十七年

首稱先生而不著其諱字郡邑族出語多整偶已有
六朝文字之體卒不書年壽弟書年月而已

綏民校尉熊君碑

建安二十一年

宅碑敘先世但云某君之孫某君之子此碑詳敘其
高曾祖父之名與其官爵德美與它刻獨異以其顯
族也後人多祖此體銘詞四言後復有七言至十二
三言俱用兮字閒語一篇碑後又載茶陵長文春重
安侯相杜暉二人官壽行事各數十言末書某年月
朔及太歲干支碑師某造洪氏云漢人書墓闕及神
道則有盡列其平生所歷官者及銘誌則舉其所終
或所歷之清高者題之此碑徧舉其官又一例也敘
高曾之閒又有祖父旻其上闕文蓋伯叔祖也祖之
下云君喬字漢舉喬上亦闕一字必父也碑後所載
二人似是同郡盛德之士佗文者惜其無所記錄故

附之左方此又一變例也梁氏曰柳州亾友獨孤君
碣詳記其友之知名者於後先府君神道表陰先友
記悉書天下善士六十七人權德輿欽州刺史陸參
誌銘書其友李公受等七人皆倣此碑例

司徒掾梁休碑

建安二十四年

梁君終於新都令而以公府掾書額者重內也與魯
峻碑同例諱字官闕卒葬竝書後載太守趙君請諡
貞文子銘詩三言亦通例也

國三老袁良碑

首書諱字不著姓氏以有篆額也前兩景君碑俱不
敘世胄此獨敘者著其舊姓也某年月日卒書於後

中載拜梁相冊辭榮君命也此一例也

梁相費汎碑

首書梁相下云此邦之人可不著郡邑也卒書年壽不書年月日略也書二子名及官齋視宅刻亦稀少適孫某則其所立石也

高陽令楊著碑

著後為思善侯相碑首題高陽令者與馮緄魯峻碑

同例碑陰書某某千右幾人五百右人五百右後公

楊門生右沛君楊統門生右沛君生與宅碑又不同洪

氏曰皆非著之門生故不稱名

光祿勳劉曜碑

首題漢故光祿勳東平無鹽劉府君碑詳書顯考官階惜其早終也洪氏云漢人銘墓以郡邑題其首者所見惟此一碑又一例也

張平子碑

崔瑗撰

首不稱君稱官秩及其邑後不載其卒葬僅自敘表墓刊碑之意又一例也

漢太尉楊公碑

首書諱字郡邑族出敘所歷官閥語稍簡後不書卒年月日略也

太尉楊震碑

卒不書年壽歲月略也詳書諸子及孫官秩以著其

後嗣之盛也碑陰九十餘人俱不稱名與王純婁壽
碑同洪氏曰孫定博諸人不名者非其門生也又曰
皆其孫沛相統之門生歲月相距又遠故不名

荊州從事苑鎮碑

首書漢故荊州從事與費汎首書梁相同例卒不書
年壽歲月與楊震碑同例

豫州從事孔褒碑

碑有篆額首著諱字世爵次述其繼德前葉治家業
春秋博學多識學徒雲集口爵固辭其云濟渡窮厄
後會事覺臨難各爭授命卽救匿張儉兄弟爭歿之
事以下多闕泐不可屬讀牛氏曰碑出於雍正三年

曲阜縣鄉民犁田得之字泐取甚惟第一行諱字家
世皆具知其爲泰山都尉宙長子前敍後銘立石歲
月不可知矣

督鄧斑碑

碑無額僅書督鄧不著姓不書郡邑先敍司吾君少
子尙書小弟與武榮碑例又異石旣碎落亦不知其
書卒壽歲月否也

浚儀令衡立碑

不書郡邑人敍其先世與度尙諸碑同例不知其卒
壽歲月石多缺也

戚伯著碑

額題曰本周末嗣咸氏襲以興勃海君元孫伯著之
碑首敘戚氏得姓之始及其先世後另述伯著不書
其字畧也言太歲丁亥聘妻朱氏旬期著橫遇邪度
奄遂殞歿似未娶而卒不載其卒壽月日不佗銘辭
一又一例也洪氏曰此時墓刻始萌芽未當律令也

先生郭輔碑

首稱先生與婁壽碑同詳敘先世而郭輔僅數語以
其未嘗歷仕無它事可述也卒不書歲月畧也詳書
男女并銘辭亦及之書季女及壻以其立石也水經
河水注闕林山有郭先生碑先生名輔字甫成有孝
友悅學之美其女爲立碑於此

相府小史夏堪碑

首稱某曹小史與書荊州從事同例卒不書年壽歲月與楊震諸碑同後云娉會謝氏并靈合柩亦似合葬者銘辭三言洪氏日文崛奇銘造語殊不苟

李翊夫人碑

首書廣漢屬國侯夫人畧述數語繼以辭曰四言韻語其夫人之姓與承舅養繼姑及其男女皆爲敘述後又有歎曰七言用兮字閒語又一例也卒僅書歲在大淵敲餘皆略也李翊另有碑此各營兆域也洪氏曰漢婦人墓銘見於文士集中固不一其石刻存於今者獨此一碑爾葉氏曰漢人碑文先敘其年壽

及卒之歲月或互見於銘誄之間

富春丞張君碑

碑載其父兄而官稱已磨滅卒僅書三季癸亥畧也

郎中郭君碑

首書漢郎中與費汎苑鎮碑同例卒不日葬不書皆

略也銘辭末三韻用矣字助語與兮字同

仲秋下旬碑

姓名俱磨滅不可識其云紀浚仲秋下旬粵日辛者

卒之歲月也銘辭四言重用歎歎懷哉痛之深也隸

釋以無姓氏可據故稱仲秋下旬也婁氏機曰碑額

上二字不可辨下有楊元字又下似秀字則此碑為

楊君無疑復齋碑目亦作楊元君仲秋下旬碑

防東尉司馬季德碑

首書卒年月日及官爵諱字與景君碑同而又稍異
後不佗銘亦碑之體也

司農劉夫人碑

首行有標題漢故之文與樊安諸碑同例次述夫人
祖之姓氏亦常例也

舉吏張元殘題名

洪氏曰漢碑稱舉將者有二外黃令高彪稱潁川太
守文君為舉將三公山碑元氏尉樊子義稱常山相
馮君為舉將其自稱舉吏者獨於此碑見之

司空文烈侯楊公碑

首書漢有國師司空文烈侯楊公而不著其諱字
敍官闕竝加讚美蟬聯而下語亦整飭此六朝文字
之祖也不書卒葬年月述其孤昭銘景烈又一例也
文烈侯楊公碑

不書郡邑族出不歷敍官闕可以互見前碑二碑俱
不書卒年月日畧也

司空房楨碑

諱字郡邑族出及所歷官階卒年月日刊石立碑俱
不書但佗偶語讚美此亦變例也

司空袁逢碑

體例與房楨碑同序詞僅六十餘言竟令讀者莫曉其生平也

荊州刺史庾侯碑

體例亦與房楨碑同略敘刺史事跡後亦無銘辭

翟先生碑

不書諱字郡邑族出卒年月日但佗駢語讚美與房楨諸碑同文俱用韻釋其詞未嘗仕進後述鄉黨伐石勒銘視房楨諸碑稍加詳焉

袁滿來墓碑

首稱茂德休行亦勅例也卒不著年亦不佗銘辭略也

真定直父碑

文僅二十四言二韻似銘詞又祇稱其接友而已

衛尉張儉碑

首著族出其諱字郡邑以及年壽卒年月日樹石立碑俱略而不敘又一例也

司空宗俱碑陰

全氏曰其上有宗氏故吏處士名七大字其下故吏十六處士四蓋亦祇上一層漢碑陰俱無額獨孔宙碑有門生故吏名五大字而是碑更署以姓今碑不傳而碑陰孤行則幸以署姓之故趙氏存其目而無其說洪氏亦存其目而不錄其文疑皆未之見

循吏聞喜長韓仁碑

首著循吏重之也早卒惜不載漢史此碑出於元至
元閒熒陽令李輔之行縣發地得之額稱韓仁銘而
碑無銘辭錢氏曰漢世重吏治而仁在聞熹刑政得
中碑額稱循吏賢之也仁自聞熹遷槐里令除書未
到而卒故額不云槐里令也仁既歿司隸校尉愨其
短命下河南尹遣吏祠以少牢豎石以旌其美於此
見善政之效而校尉風勸良吏之意亦可尙已梁氏
曰墓石之文分言之則前序爲誌韻語爲銘通言之
則誌卽是銘銘卽是誌韓仁銘乃令牒無韻語而謂
之銘韓文公法曹張君誌銘別無銘辭而曰是爲銘

虞部張季友考功盧東美襄陽盧丞司法李楚金博
士李于諸篇皆然是誌卽銘也柳河東集中諸誌皆
有銘辭而題止稱誌白香山范陽張公墓誌亦然文
選任彥升劉先生夫人墓誌無誌但銘而題獨稱誌
是銘卽誌也

張賓公妻穿中二柱文

建初二年

禮記檀弓注云豐碑斲大木爲之形如石碑於椁前
後四角樹之穿中於閒爲鹿盧穿中二柱有文僅見
於此洪氏曰首云維兮猶烏呼之類它碑所罕用也
一云本造此穿者張賓公妻其子偉伯及偉伯妻與
其孫陵皆附葬右方曲內中其一則偉伯之孫元益

葬其父長仲并弟叔元二人卒以同年月日故特書
之

謝君墓甄文 元和三年

書某年月朔謝君闕造此墓此東漢初題於墓甄未
有碑文也

光緒歲在丁亥仲春之月吳縣朱記榮槐廬家塾校刊
漢魏六朝墓銘纂例卷二終

漢魏六朝墓銘纂例卷三

嘉興李富孫學

豫州刺史路君二闕 永平八年

一書其所歷刺史至徵試博士凡八官一書會稽東部都尉某君闕次書造闕年月日此墓闕例也漢人墓闕皆刻有人物車馬禽獸龜龍草木畫像

雒陽令王稚子二闕 元興元年

闕者墓道外左右所立石闕古人即題氏諱官齋於上以表識之兩闕分書其所歷之官此兩邑吏民所各樹也洪氏曰惟先靈之稱它碑所無葉氏曰漢人為二闕如王稚子之類分書官秩此與路君闕異路

闕前後立此則左右竝峙也

益州太守高頤二闕

建安十四季

書其所歷之官與王稚子闕同一稱名字一稱府君
不書名而字闕其一又一例也

趙相雍勸闕碑

首敘三代及諸父諱字官秩與其子名字爵秩造壠
樹碑趙府事敘三四語又墓闕變例也卒書年壽無
歲月末言刊石稱頌而無頌辭趙氏又以此爲碑也
洪氏曰漢代銘墓所敘人之上世未嘗書其名諱此
碑載雍君父祖諱兄名又有書其官秩甚詳而雍君
事跡則甚略趙氏以此爲碑而謂前十字爲闕子攷

其文水關舊墓者謂九江君也右校既易地造隴諸
冢皆同兆域趙相故吏併志其事蓋題闕之文非墓
道之碑與邱中之銘也九江太守乃趙相曾祖謂之
高祖者似指其子言之又一例也梁氏曰雍勸碑刊
石稱頌祝睦後碑前稱頌曰後稱辭曰朱龜碑文末
云立碑作頌高頤碑因作頌曰益州太守無名碑前
稱辭曰後稱亂曰樊敏碑文後有辭曰又有亂曰李
翊夫人碑前有辭曰後有歎曰嚴舉碑文後有頌曰
又有亂曰樊敏以下皆韻語韓文公施先生墓銘前稱辭曰
後稱系曰元微之杜子美誌銘前稱敘曰言其詩中
稱系曰言其世次官位末爲銘曰此皆古人隨意爲

之其它漢唐墓石之文多以銘曰爲辭曰則不勝舉

矣

鉅鹿太守金君闕

不書名字略也以其有官爵可稱也

不其令董恢闕

書法與金君闕例同洪氏曰恢嘗守丹陽而闕不書

者或如王稚子之類有兩闕而互見之歟

高直闕

僅書漢故高君諱字殆無官爵可稱此尋常題闕例

也洪氏曰漢人題墓有云神道者有云墓道者有云

闕者惟高頤及高直但書姓名字而已

案高頤闕與此同

葉

氏曰高君闕僅九字漢人題墓所以禁樵採不皆鋪揚德業以欺後世

處士金恭闕

書法與高直闕例同又有碑首題金君口口碑碑辭稱生敍諱字下卽書卒之年壽歲月後述行事無銘言此常例也葉氏曰按恭墓誌年廿二而卒弱冠不祿在六極之列旣銘於碑復樹之闕漢人喜事夸張乃爾

沛相范君闕

碑錄云梓潼縣東有沛相劔門范皮墓闕字不多記姓名而已

孝子董蒲闕

永寧二季

闕中刻一禽頗大兩旁各一獸銜環佩之屬與金恭
闕同禽之下橫書孝子澄鄉窆利里董蒲亦與金恭
闕同禽之右書季月日及掾史姓名翁氏曰此與墓
門之闕不同必董君孝行著聞官爲甄表而立此闕
貞女羅鳳墓闕

此表題貞節之例也

幽州刺史馮煥神道

永寧二季

書其所歷之官但稱使君而不著其名字與金君闕
例同後世神道碑之名昉於此也又有殘碑僅存三
十九字其書卒之年月尙可見爾

交阯都尉沈君二神道

二神道皆分書其一稱漢謁者北屯司馬左都侯其一稱漢新豐令交阯都尉其書所歷官與王稚子闕例同但稱府君而不著其字與馮煥神道同

繇竹令王君神道

建寧元年

書法與金君董恢闕例同

太尉劉寬神道二

一書漢太尉劉公及諱字一書漢太尉車騎將軍特進昭烈侯劉公神道書官爵有詳略又一例也葉氏曰神道爲表墓而設一書名字一書官諡詳簡得體漢人書法類如此

上庸長司馬孟臺神道

書字不書名與王稚子闕例同

征南將軍劉君神道

書法與繇竹令神道同

涪陵太守龐玄神道

書其名又一例也

汝南上蔡令神道

書法與司馬孟臺神道相同

侍中楊文父神道

書法與上同

韋氏神道

僅書韋氏餘俱畧也或其別無可稱此似婦人而亦非同穴者

益州太守楊宗墓道

書漢故益州太守楊府君諱字某墓道此通例也中宮令楊暢墓道與此同

清河相張君墓道

所書與沈君神道例同

司馬季主墓碑

蜀漢諸葛亮撰

碑僅三十二言四韻似銘詞與真定直父碑同例

魏橫海將軍呂君碑

魏黃初二季

碑辭銘言皆正例也敘事猶是漢人筆法

盧江太守范式碑

青龍三年

碑辭閒用韻語亦漢遺法卒不書年壽歲月以有舊傳略也洪氏曰此碑辭勝而事寡雖曰略依舊傳昭撰景行但云篤友足以輔仁超管鮑之遐蹤爾未足以光颺盛德也翁氏曰此碑陰卽洪氏誤以爲魯峻斲碑陰者今在范巨卿殘石之背可以斲然不惑者矣今見此拓本乃知洪氏所錄人名前後次第皆就本碑之橫書者爲敘也錢氏曰碑陰題名四列凡三十餘人皆字而不名巨卿爲山陽人此題名諸人雖不著郡縣然如郝如魯如范皆山陽望族則其餘亦必山陽人可知

太尉汝南李公碑

嘉平四年

敍諱字郡邑族出及歷一官稱述數語此漢碑通例也卒不書月日略也顧氏曰終魏之世立碑之見於史者惟田豫顏斐二人晉世則扶風王駿魏舒羊祜杜預閻德唐彬嵇紹丁紹范平立碑之事百有餘年亦僅六七見齊建武中范雲上表求爲太宰竟陵王子良立碑事竟不行其文載昭明文選中所引亦止太宰褚淵豫章王嶷二例若劉劭之生爲立碑安成王秀之四碑竝建史家書之以爲異事而自魏至陳文字之罕傳於後者有由然矣

東武侯王基碑

景元二年

此碑近時出土不著姓名金石藏跋以年月破之斷
爲王基碑破之本傳事皆符合碑今存者凡三百七
十字僅見敘其族出諱字已不可見著其孝友通經
才畧次敘官位功績進爵增邑其年壽卒年以及追
贈并奉敕鑄石表墓詞四言已半缺逸矣錢氏曰右
碑中斷存下半近洛陽民墾土得之以歷官及薨之
年月破之其爲基碑無疑

吳秦朗碑

首書府君諱字族出次敘其弱冠歷官略述治績并
及年壽卒年此正例也

任城太守孫夫人碑

晉秦始八年

首著郡氏族出次敘父爵及夫人在室勸父辭伏氏
繼室事卒葬年月皆剝落難辨惟弟五行有十二
月甲申字又上有八年口月庚寅字黃氏易曰晉碑
本少婦人墓銘則尤少況文古書莊不減漢魏夫人
父孫夫羊均失其名八年之上殘闕莫辨惟知二子
宏明宏哲及嗣子羊迅其父疑與羊君同寮因與昏
姻夫人曾事舅姑其舅尙在碑中或敘及在前所以
後文止云夫人在羊氏不復云何季于歸也

晉右軍將軍鄭烈碑

太康四年

歷敘世胄具書卒年贈諡皆正例也碑辭多對偶韻
語已爲六朝碑誌之始末書某年月日造與孔宙譙

敏諸碑同例

故太傅羊祜碑

晉孫楚撰

首他讚美數語次僅敘其遷黃門侍郎受祕書監滅吳之略畧述數語餘俱不書使後人爲之不知其幾萬言矣

雁門太守牽府君碑

孫楚撰

首亦他讚美語次僅敘其少長河朔并遷雁門太守事跡餘俱不書亦與羊祜碑同

江夏太守任君墓誌銘

傅元撰

碑辭僅六十餘言語亦多整偶其諱字郡邑族出及年壽卒年俱不書第書拜江夏太守此甚簡略也王

氏止仲曰墓誌銘宜簡而要神道碑銘宜雅而詳

晉平西將軍孝侯周處碑

元康九年

陸機撰

首敍諱字郡邑族出竝祖考爵秩次敍其生平官闕

多佗駢偶讚美其卒年春秋及追贈封諡賜葬詔書

皆詳著之後書某年月日葬某地娶某氏子某竝書

碑銘共一千四百言整散參錯文辭雅贍敍次詳明

當為魏晉六朝第一文字此例之正也

司空鄭衮碑

潘岳撰

碑辭俱用整偶僅六十餘言竝無諱字郡邑族出及

所歷官階年壽卒年與司空房楨諸碑同

荊州刺史東武戴侯楊使君碑

潘岳撰

首書肇字季初熒陽人而不著其姓以有碑題也次
敘封東武伯夢諡曰戴而不著年月畧也次稱其德
行及爲參軍有西陵薄寇之功惜其爲法受黜亦紀
實也末四語用韻無銘詞

中郎將曹府君碑銘

傅咸撰

銘辭四言二韻與司馬季主碑例同

益州刺史楊恭侯碑

潘尼撰

不書諱字郡邑族出及卒壽年月僅佗整語讚美畧
敘歷官事跡其官闕但云再臨司官三撫名郡而已

給事黃門侍郎潘君碑

潘尼撰

文僅四語云君遇孫秀之難闔門受禍故門生感覆

醞以增慟乃樹碑以紀事當是潘安仁碑與真定直
父碑一例

太尉庾亮碑

孫綽撰

諱字郡邑族出及卒葬年月俱不書所歷官階僅敘
其轉左衛軍詞多駢偶此魏晉相沿之體也

太傅褚裒碑

孫綽撰

文詞體例與庾亮碑同而敘次稍詳

丞相王導碑

孫綽撰

文辭體例亦與庾亮碑同竝不敘其官闕但述佗相
數語無銘言

太宰郗鑒碑

孫綽撰

漢委一草書金匱後卷三
七
畧敘世胄而文詞體例亦與庾亮諸碑同

司空庾冰碑

孫綽撰

體例與王導碑同惟後有四言銘詞

潁州府君碑

孫綽撰

敘次更簡碑題并不著其姓後佗四言似銘詞又不
用韻亦變例也

征東將軍軍司劉韜墓石

碑題晉故使持節都督青徐諸軍事征東將軍軍司
關中侯劉府君之墓僅書諱字某君之子及夫人某
氏四十七字不事鋪敘功績可爲後人葬銘之式錢
氏曰其石廣僅二尺餘與漢碑式異予題爲墓版文

保母志

興寧三年

王獻之撰

先書瑯琊王獻之保母其姓名籍貫及歸某氏年壽
卒年月日葬地竝書後敍殉以硯壺樹松立石無銘
詞此志體也保母善屬文能草書解釋老旨趣宐大
令爲之佗志文辭雅雋亦非六朝所能及韓昌黎乳
母墓銘仿此例舊注謂葬乳母且爲之銘自公始非
也東漢墓碑皆非納於壙中惟此甄真藏諸墓者爲
後世志墓之濫觴也姜氏夔曰或謂降自南朝始有
銘志葬之墓中大令時未應有之此又不然漢有謝
君墓甄又武陽城東彭亾山巔石窟中有漢初二季
張氏題壙三所洪氏隸釋云此亦葬銘之椎輪也其

不始於南朝明矣王氏昶曰東漢碑皆係懸綵下窆之石後乃刻文於上非藏在墓中故謂之碑碣今可攷見者惟王獻之保母磚則是真藏於壙者

豫章長公主墓誌銘

宋謝莊撰

碑辭僅駢偶二十八言銘詞四言六韻亦一例也

司空何尚之墓銘

謝莊撰

碑僅銘詞四言六韻與司馬季主碑同例

宋文帝神道碑

碑止題太祖文皇帝之神道八大字歐陽集古錄云古人刻碑正當如此葉氏曰或更有碑此其神道如漢人墓闕題識也

宋故散騎常侍謝公墓誌

首述祖父母及母之所自出次誌其爵里名字卒葬
年月并其夫人與夫人之父祖及嗣孫而已無序文
銘辭亦無建碑年月書撰姓名葉氏曰謝公祖父皆
顯官身為常侍豈得無銘序以紀其生平或如宋劉
襲有二碑或如郭子儀官齋錄於家廟碑陰也又曰
誌墓者應如此式

宋臨澧侯劉使君墓誌銘

首書諱字邑居及其兄父歷敍官爵年壽卒葬贈諡
碑首有題無書撰人姓名葉氏曰按史所歷之職視
碑甚略

宋臨澧侯劉使君碑陰

碑題與前同但誌其祖父昆弟姊妹與夫人子女其
祖父昆弟夫人並書合葬某所姊妹皆書所嬾及其
祖若父此例亦它碑所無也葉氏曰前碑云武皇帝
弟景王之穆而此上承曾祖以下得互見體自兄顛
以下及其配配之父祖及葬處自姊以下及其夫夫
之父祖茂徽姊妹所適大族而夫亾再適予見碑誌
甚多凡序列族黨未有如是之詳者

太宰文簡褚彥回碑

齊建元四年 王儉撰

通體駢偶其諱字郡邑族出以及官闕卒年贈諡俱
書碑銘共二千言朗俊雅潤與陸機周孝侯碑伯仲

豫章王墓銘 永嘉長公主墓銘 王融撰

俱無碑辭僅銘詞四言

臨海公主墓銘 新安長公主墓銘 海陵王昭文墓

銘 鬱林王墓銘 謝朓撰

體例與上諸墓銘同海陵王銘詞差詳

齊故安陸昭王碑 齊永明九年 沈約撰

首著諱字郡邑世爵後書卒年月日春秋贈謚文多

宋駢偶碑銘共二千二百餘言與王儉褚彥回諸碑例

同

宋尚書左丞孫緬墓銘 梁江淹撰

宋無碑辭銘四言末一韻五言一韻六言又一例也

宋安成王右常侍劉喬墓銘 齊御史中丞孫詵墓銘

宋齊司徒右長史檀超墓銘 江淹撰

與王融豫章王墓銘例同

宋光祿大夫孫臯墓銘 江淹撰

銘詞四言末二韻六言與孫緬墓銘例同

豫章文憲王碑 太尉王儉碑 沈約撰

體例與司空房楨諸碑同

比邱尼僧敬法師碑 齊太尉文憲王公墓銘 丞相

長沙宣武王墓銘 司徒謝朓墓銘 尙書右僕射范

雲墓銘 太常卿任昉墓銘 沈約撰

俱無碑辭亦墓銘體也

齊太尉徐公墓誌

沈約撰

首二句三言餘俱四言似銘詞不用韻又一例也

丞相長沙宣武碑

任昉撰

文多駢偶其事跡俱不書亦無銘詞此碑體也

桓宣城碑

任昉撰

與司空房楨諸碑例同

撫軍桂陽王墓銘

劉先生夫人墓誌

任昉撰

俱無碑辭此誌銘一例也張氏鳳翼曰或謂文皆韻

語而無家世生卒歲月以為去誌而選銘不知散文

曰誌韻語曰銘此俗說也江淹之於孫緬單舉韻言

亦云墓誌王融之於豫章王謝朓之於海陵王都無

散序竝曰誌銘且范雲墓誌不載齋里日月又何疑也

吳太極左仙公葛公之碑

陶宏景撰

先敍仙公之才次著其諱字郡邑族出後竝書升仙年月日文散偶參錯又一例也

誌法師墓誌銘

梁天監十三年

陸倕撰

首書其姓名後敍其化年并詔刊辭文多散語銘四言

司空安成王碑

天監十七年

劉孝綽撰

文多駢偶其世爵封齋卒年竝書之

梁永陽太妃王氏墓誌銘

普通元年

碑題故永陽敬太妃王氏墓誌銘并某官某奉勅撰
碑誌妃氏郡邑次述某年策命國太妃薨年月日祔
葬某郡縣里山并賜諡具著之葉氏曰凡碑題先書
國號而此不書豈緣帝族不問而知爲梁也邪卽奉
勅撰文者亦不書姓徐勉先爲太子詹事尋遷尙書
右僕射亦猶今日書現居之職於前也邪

始興忠武王碑

普通三年

碑約三千餘字前半多缺泐惟額題尙存諱字俱不
可見案梁書王名憺字僧達其所敘行事官位功績
頗詳與史符合後復總述性行勲美刊石立碑而不
著葬年月日銘詞四言碑陰二十列每列六十四人

皆是從事功掾吏梁氏曰碑末云東海徐勉造吳興

貝義淵書口刻字此撰人書人署名於銘之後也

故侍中吳平忠侯神道碑

普通額注始

季金石萃編以此與忠武王碑下誤

首書官爵而不著其名字字皆反刻此亦罕見也錢

氏曰額云梁故侍中中撫將軍開府儀同三司吳平

忠侯蕭公之神道正書而反刻它碑所未有也

栖元寺雲法師碑

王僧孺撰

與簡文帝智禱法師諸墓銘例同

豫州墓志銘

王僧孺撰

與司空房楨諸碑同并不著其姓氏歷官但云治邊

御衆入佗爪牙出司襟帶而已

國師草堂寺智者約法師碑 王筠撰

文俱駢偶銘詞四言名字卒季俱不書

華陽陶先生墓誌銘 大同二年 簡文帝撰

首書某年月朔某日時陶先生蟬蛻於茅山某館次
書諱字年壽贈諡某日時窆於某山詳其實也次作
駢語讚美此六朝常例也梁氏曰此卒書年月日時
則六朝以來已有書時矣

徵君何子哲先生墓誌銘 簡文帝撰

不書諱字郡邑族出文多駢語畧敘事跡曰始居若
邪來從秦望則會稽人也曰徵某官固辭不受卒窆
乎其山亦書葬地之例也

庶子王規墓誌銘 簡文帝撰

碑辭整偶竝加讚美所歷官階祇云稍遷侍中而已

戎昭將軍劉顯墓銘

銘詞四言畧述歷官亦無碑辭

長沙宣武王碑銘 安成蕃王墓銘 中書令臨汝靈

侯墓銘 儀同徐勉墓銘 太子舍人蕭特墓銘 簡文帝撰

體例皆與劉顯墓銘同

湘宮寺智舊法師墓銘 同泰寺故功德正智寂師墓

銘 宋姬寺慧念法師墓銘 甘露鼓寺敬脫法師墓

銘 淨居寺法昂墓銘 簡文帝撰

銘詞四言俱無碑辭佛寺盛於梁比邱尼僧皆有墓

碑銘後世塔銘之所祖也

隱居先生陶宏景碑

梁元帝撰

體例與司空房楨諸碑同

光宅寺大僧正法師碑

有碑辭有銘詞文多整偶此通例也

庾先生承先墓誌 特進蕭琛墓誌銘

俱無碑詞銘四言此誌銘一例也

中書令庾肩吾墓誌銘

文多駢偶敘其族出及其父易以高尙著也其為度

支尙書贈散騎常侍俱書無銘辭沈氏可培曰漢聞

憲長韓仁碑無韻語而題曰銘它如任彥升於劉夫
人韓退之於盧渾竝單用韻語而稱墓志梁簡文於
何徵君韓退之於孟貞曜柳子厚於襄陽趙丞散文
與韻語竝施而亦稱墓志又韓退之於張法曹李楚
金及乳母皆只用散文無韻語而亦題為墓銘

侍中新渝侯墓誌銘 黃門侍郎劉孝綽墓誌銘 散

騎常侍裴子野墓志銘 太常卿陸倕墓志銘

竝僅侖銘詞四言與墓銘諸碑例同梁氏曰陸倕墓

誌從子襄序湘東王蕭繹銘 梁開善寺智藏法師碑
新安太守蕭幾敘湘東

王繹銘尚書殿郎中
蕭挹書世號三蕭碑 隋上儀同楊縉墓誌許善心序

虞世基銘竝兩人作一文也

侍中吳平光侯墓志銘

文俱駢偶但敘其官闕及遘疾歿逝後無銘言

東陽雙林寺傅大士碑

陳太建元年 徐陵撰

碑文幾三千言語多駢偶敘次甚詳此唐初四家之

先導也

天台山徐則法師碑

徐陵撰

碑以駢辭讚美道術末述法師則寥寥數語也

司空章昭遠墓誌

太建三年

河東康簡王墓誌 裴

使君墓誌

徐陵撰

三碑俱駢偶無銘詞章昭遠夢書年康簡王夢書年

壽并贈諡餘皆略而不著其例同也

太尉始興昭烈王碑

沈炯撰

與劉孝綽司空安成王碑例同後載贈詔亦宐詳也

護軍孫瑒誌銘

陳江總撰

陳書孫瑒卒尚書令江總爲之誌銘後主又題銘後
四言五韻嘗遣蔡徵宣敕就宅鐫之誌銘題後亦希
有也

建初寺瓊法師碑

江總撰

與王筠約法師諸碑例同其云東山北山之部貫花
散花之句竝編柳成篋題蒲就業則法師亦解文義
嗜吟詠也

明慶寺尚禪師碑銘

江總撰

僅銘詞四言與諸墓銘同例

廣州刺史歐陽頎墓誌

江總撰

文多駢語不書諱字卒年但敘其厯官後無銘言

特進光祿大夫徐孝穆墓銘 司農陳暄墓銘 中領

軍魯廣達墓銘

江總撰

三碑俱僅銘詞徐孝穆銘末二韻六言與江淹孫緬

墓銘同

侍中沈欽墓誌

江總撰

文僅六十餘言駢偶無韻不佞銘辭

文顯六十銘行世則庶幾不似後編

奇中者為墓誌

墓誌同

二與貞節論歸翁李學海末二贈六書與

道傳與教墓誌

許敬次新大夫翁李

文之細語不書

光緒歲在丁亥仲春之月吳縣朱記榮槐廬家塾校刊

漢魏六朝墓銘纂例 卷三終

漢魏六朝墓銘纂例卷四

嘉興李富孫學

周大將軍聞喜公柳霞墓誌銘

北魏太和季

駢散兼行敘其孝行特詳不僅以聲律比擬也卒不
書年月日與賀婁公諸碑同

中書令鄭義碑

永平四季

此碑有額曰熒陽鄭文公之碑首行復題魏故中書

令祕書監使持節督兗州諸軍事安東將軍兗州刺

史南陽文公鄭君之碑與泰山都尉孔宙碑例同諱

字郡邑族出及高曾祖父竝詳著之又載其所任經

論賦詠并誥林數卷為後人敘著述之權與其子之

才德官齋亦爲詳載葬書年月日而卒僅書年壽贈
諡葬地竝書後稱頌曰與王純諸碑同例末另書永
平四年歲在辛卯刊上碑在直南卅里天柱山之陽
此下碑也以石好故於此棐之亦創例也錢氏曰義
諡文靈碑祇稱文公者猶諸葛孔明諡忠武而後人
止稱武侯舉其美者言之也

寧朔將軍司馬紹墓

志永平四年

首題魏故寧朔將軍固州鎮將鎮東將軍漁陽太守
宜陽子司馬元興墓誌銘首書諱字郡邑次敘高曾
祖父歷官贈諡及諱而司馬君僅述二語當是襲父
齋而早卒季月日及遷葬之所具書而無季壽銘

詞四言七韻而無銘曰詞曰等字皆變例也金石藏
跋云元興當是司馬景和之父以景和妻孟氏碑亦
稱景和裔宜陽子也錢氏曰誌中不及其官位者以
題已著之也古人文字之簡如此後代罕知此法矣
梁氏曰姓氏官位已見於題則文中略而不書此碑
是也韓文公劉統軍獨孤少監鄭郎中董刺史崔評
事諸誌銘柳河東張中散誌銘歐陽公孫待制誌銘
皆不書姓以題已著之不再出也王氏昶曰案彖轂
子曰齊王儉云石誌不出禮典起宋元嘉中顏延之
爲王琳作石誌以其銘誄故以紀行自爾遂相祖習
蓋南朝禁墓誌故僅載其官裔不敘功勛昶自得保

母甄又得此碑耳西京雜記稱前漢杜子春臨終佗
文刻石葬於墓前博物志載西京時南宮寢殿有醇
儒王史威長葬銘此實誌銘之始今皆不傳王史威
長之銘止八句三十二字則亦如趙岐刻石僅識時
代姓名之類東漢碑額皆書某君之碑惟曲阜孔君
碑出於墓中額止孔君之墓四字其卽如後世之墓
志與然敘事文頗簡質與它漢碑無異蓋壙中爲地
甚隘故其爲文刻石不過略敘生平梗概使有陵谷
變遷後人可以識其墓處若神道碑墓表墓碣舉事
直書暢所欲言者其例各殊魏晉之文尙存古法六
朝純尙駢體雖文采華瞻而史家據以作傳轉多失

實唐之初盛尙沿舊制韓柳諸公所撰志文亦皆敘
事簡摺以之勒石納壙猶恢乎有餘地唐末間多千
字外之文宋蘇氏兄弟出遂有至四五千字者斷難
刻置墓中故碑志爲二蘇所撰無出土者或竟撰文
而實未鐫刻皆不可知嘗攷前代諸碑志詳略互異
蓋漢魏時墓志墓碣等文原無程式晉宋齊梁各代
又尠刻石之事獨北魏人頗多志墓者然婁經卷亂
地盡邊圉所志者大抵武臣悍卒或出自諸蕃而田
夫牧隸約略記之其書法不參經典無足怪者卽隋
唐諸志其撰文察書不必定爲通儒煩蕪鄙陋之作
不能盡足爲例也

洛州刺史刁遵墓誌

熙平二年

首題魏故使持節都督洛兗州諸闕下而無額與中常侍樊安碑同先另行書高曾祖父名字官階及夫人某氏父某此創例也次著其諱字郡邑族望并敘高允以女妻焉卒葬書年月日壽年贈諡葬地竝書銘辭四言後有五六七言末又書夫人同郡高氏父允官爵前後似複出又一例也錢氏曰誌載遵歷官始末遵有子十三人誌惟云小子勲等不及諸昆弟之名蓋遵歿時整兄楷尙俱已先卒古人文字之質而簡如此而諸弟姪不以不列名爲嫌又徵古風之淳厚也誌列三世官爵于首似行狀之式而銘之後別

云夫人同郡高氏云云皆墓誌之變例也黃氏曰此誌有陰刻長兄慕奉宗早亾妻河內司馬氏等名亦僅見也

高植墓誌

神龜元季

碑題故濟青相涼朔恒六州刺史而無額與刁遵墓誌同字多殘缺漫漶僅辨百二十餘字其諱字郡邑及某之子尙可見爾山左金石志云左有直線一行外刻銘辭末行紀年存大魏神龜四字而已

賈思伯碑

神龜二季

碑題魏兗州賈使君之碑名字鄉邑及遠高曾祖父俱詳書官爵思伯亦備著其起家歷仕與魏書所載

不同惟字多剝蝕碑陰有宋元人記得碑始末葉氏
曰趙氏錄賈思同碑云思同與其兄思伯後魏書皆
有傳今其墓在壽光縣而思伯之碑亾矣而尙存于
數百年後又一奇也此碑隸楷直似褚河南三龕記
筆意乃正書之始歟

司馬景和墓志銘

正光元季

前題魏故持節左將軍平州刺史宜陽子司馬使君
墓誌銘首書諱字郡邑族出曾祖及父官爵與諱而
不敘其祖次述其所歷官位卒季月日以及詔贈葬
時季月葬地而不書其季壽辭四言四韻頗高簡有
法碑稱諱兩字景和宜陽子卽司馬元興也本傳但

書景和蓋以字行者此碑書其追贈之官世襲之爵
王氏昶曰傳不書景和襲爵此碑及前景和妻碑並
題宐陽子可以補史之疏至景和有五男三女見前
妻碑但不詳其名此竝男女之數亦略之文簡如此
所宐合兩碑而得其全也攷景和妻墓時春秋卅有
一先景和八季薨則景和年約五十矣前碑稱葬温
城西此碑亦稱温城西想同在一墓地而不必如後
世之分葬合葬詳析言之耳

故懷令李超墓誌

正光六年

首書名字次書妻楊氏無子有九女俱詳敘其名竝
適人及未字者而不及生平行事亦變例也梁氏曰

司馬元興誌銘李超誌銘俱無銘曰二字文中不及
妻與子女銘後提行別敘妻恒農楊氏及息女九人
兼有書其年亦皆異也又曰此子女以年爲次者
後魏周惠達碑

碑額題大魏某官某公之碑銘篆書碑辭與史傳多
合葉氏曰碑具贈諡而史逸之

北魏陸希道誌銘

後側面單列一行云前涼州刺史吏部郎中陳郡袁
翻字景翔制銘兼著其字亦用漢碑例也

揚州長史司馬景和妻墓誌

首書孟夫人字父書其爵而不著其名畧也景和稱

空陽子龔父元興之爵也未云式述清高而為頌與
朱龜碑高頤碑末稱作頌同例梁氏曰司馬晒夫人
誌銘云夫人姓孟字敬訓清河人而題不著其姓此
見于文而畧于題也

常山公碑

溫子昇撰

碑詞駢偶銘四言此六朝通例也

司徒元樹墓誌銘

溫子昇撰

與司空房楨諸碑例同

司徒祖瑩墓誌

溫子昇撰

文俱駢偶諱字郡邑卒年皆不書略敘其祖父無銘
辭末四十言用韻此又一例也

魏故南秦州刺史司馬昇墓誌銘

東魏天平二季

前有標題首書諱字郡邑里族出曾祖祖父書其官位而不詳其名次述其志性孝敬睦族次敘歷仕縣令政績以及卒季月日季壽贈官葬時月日葬地具書之銘詞四言二十韻文尙簡淨不蔓王氏昶曰碑稱曾祖祖但書爵官而不書名與高湛碑同是當時誌銘之一例縣令卒而書墓是不拘於公侯之卒稱墓者矣

贈齊州刺史高湛墓誌銘

元象二季

首題贈爵無額與刁遵墓誌同諱字郡邑族望竝書祖考但著其官爵無名字略也詳敘歷官始末及卒

葬年月日語多駢偶後附載贈假節督齊州諸軍事

與輔國將軍齊州刺史詔書榮之也山左金石志云

湛字子澄孝靜詔字而不名尊之之意亦制詔異例

也案金石跋尾云高君之名不見於魏史有臨難捐軀之節不幸與齊文襄武成同名殆佗史者避齊

諱故并其事歿之乎

譙郡太守曹放樂碑

大統十季

碑多殘缺前有題行首書諱字郡邑其諱已泐敘述

先世及父官位甚詳次述其孝行信奉佛經造浮圖

而於政績反略焉卒季月日季壽子嗣官職以及卜

葬季月葬地具書之銘詞四言已漫滅僅存數語矣

魏開府參軍事崔頴墓誌銘

北齊天保四季

首書君諱郡邑某之孫某之子以祖亮父士和皆貴
顯次用駢語略述文行官止參軍率未及壯其率奉
月日率某處及歸窆某地具書之銘詞四言十韻魏
無傳此碑近始出土下殘缺七字

孝子郭巨墓碑

武平元年

齊隴東王胡長仁感孝頌碑云出牧東秦經過訪詢
郭巨之墓馬鬣交阡孝子之堂鳥翅銜旨慨賢勝之
多弊嗟至德而無紀以某年月權輿雕塋表建庭宇
後云分財雙季獨養一親客舍凶弭埋兒福臻此正
表其孝行也顧氏曰其文曰開府中兵參軍梁恭之
盛工篆隸騎兵參軍申嗣邕微學摛藻則此碑文嗣

邕撰恭之書乃後人列名之權輿也又上清真人許長史舊館壇碑首云弟子華陽隱居丹楊陶宏景造隱居手自書前此未有列書人之名者此其始也山左金石志云右碑申嗣邕撰文梁恭之書隸於文中見之亦變例也述郭巨軼事千百載後賴此一闡明之尤金石之有關風教者梁氏曰唐于志寧碑令狐德棻撰其子立政書俱於文中敍之蘇許公碑張說撰銘盧藏用撰序并書序中藏用不自署銜名而於說詳載之

朱岱林墓誌

武平二季

碑無額與標題首書諱字郡邑族望及曾祖祖父具

書其名次敘兄弟并著厯官始末卒書年壽而無歲
月葬書年月日并地誌爲第四子敬修所撰銘詞則
出於從父兄子敬範文皆雅贍可誦銘詞四言八章
末行又作四言敘追思鐫石之事此亦變例也北史
樊遜傳魏收爲庫狄干碑敘令樊孝謙作銘唐立周
太師尉遲迥廟碑前華州鄭縣尉閻伯璵撰序祕書
省校書郎顏真卿撰銘宋河南府司錄張君墓誌銘
天水尹洙撰序渤海歐陽修爲之銘又張君改葬墓
碣亦尹師魯誌其墓廬陵歐陽修爲之銘兩人共爲
一碑其例昉於此孫氏志祖曰古人碑文前敘後銘
不盡出一人之筆唐工部尙書來曜碑張鎬撰敘蕭

所撰銘南唐徐鉉徐鍇爲人誌墓亦撰敘一撰銘獨
孤及至之毘陵集有正議大夫右散騎常侍贈禮部
尙書墓誌銘至之佗誌尙書右丞賈至幼鄰佗銘蘇
許公瓌墓碑盧藏用佗敘呂向佗頌皆一文而兩人
共爲之葉水心佗陳同甫王道甫志兩人其一銘眞
希元跋永嘉葉公著佗正字二劉公志二劉亦同一
銘者此文章之變例王止仲所未及舉也

廣平王碑

邢邵撰

文皆駢偶并不及族出末四言二十二句用韻似銘
詞與溫子昇祖塋墓誌例同

冀州刺史封隆之碑

邢邵撰

文多駢語不書諱字郡邑而詳述其祖父歷官事跡

後書除侍中驃騎大將軍竝不及刺冀州無銘詞

太尉韓公墓誌

邢邵撰

文皆駢偶竝不書其諱字郡邑族出官闕卒季後無

銘詞竟莫由知其爲何人矣

李禮之墓誌

邢邵撰

文僅四句十六言不用韻此亦變例也

周柱國楚國公岐州刺史慕容寧神道碑

北周保定五

季

首論勲銘次著諱字郡邑族出亦一例也書卒葬贈

諡後復總述其生平與司馬裔碑例同

周冠軍公夫人烏石蘭氏墓誌銘

保定五季

體例與譙國夫人墓誌同

周太傅鄭國公夫人鄭氏墓誌銘

天和三季

體例與趙國夫人墓誌同惟卒不書年壽葬不書年月日後敘世子詳畧異也

周開府高邑侯裴史君鴻碑

天和三季

碑有額上截已漫滅首書諱郡邑敘其先世自祖以上皆缺其所歷官位事蹟敘述頗詳書卒季月日季壽而不及葬銘辭四言已開唐初之體矣

後魏驃騎將軍荊州刺史賀拔夫人元氏墓誌銘

天和三季

四季

首佗駢語發端次敘諱字郡邑祖父及封公主歸於某氏此正例也餘與譙國夫人墓誌同

周大都督陽休伯長孫夫人羅氏墓誌銘 天和四季

體例與趙國夫人墓誌同而文辭尤略

周柱國大將軍大都督同州刺史段永神道碑 天和五季

體例與齊王憲碑相同後又書月日靈柩至京皇帝臨卷詔遣護卷冊贈重君命也夫人并敘其氏及某之女其適年冊拜以至卒壽歸塋年月具書又加詳也

周大將軍義興公蕭太墓誌銘 天和五季

蕭大以梁之後裔故首以堯讓秦亾及微子延陵比擬也卒不書年月日贈諡葬地具書銘詞四言末二句六言與江淹孫緬墓銘同

周驃騎大將軍開府侯莫陳道生墓誌銘

天和五年

首書諱字郡邑族系次敘其父而不及其祖殆非顯著也後書夫人某氏并卒年月其贈諡同葬年月並書而將軍之於於轅門無年月日略也

周柱國大將軍長孫儉神道碑

天和六年

庾信撰

體例與王儉褚彥回碑同其敘官闕尤詳

周大將軍襄城公鄭偉墓誌銘

天和六年

體例與步陸孤逞碑同後敘夫人氏姓以某年月日

合葬於某原復云合葬非古既異三王之前則凡不書夫人者皆非合葬也末云乃薦銘曰亦一例也

周大將軍爾國公趙廣墓誌銘

天和六年

書諱字而不著郡邑以敘其祖父可見也卒無年月日其居器過禮敘次尤詳

周大將軍隴東郡公侯莫陳君夫人竇氏墓誌銘

天和六年

體例亦與趙國夫人墓誌同

周趙國公夫人紇豆陵氏墓誌銘

天和七年

體例與譙國夫人墓誌同惟不書嫁年略也

周安昌公夫人鄭氏墓誌銘

天和十八年

體例與趙國夫人墓誌正同

周大將軍司

馬裔神道碑

建德元年

庾信撰

首書諱字

郡邑世系所敘祖曾事跡更詳官闕卒葬

具書後敘

夫人以合葬也書詔諡後復總述其生平

碑銘共二千言極為詳整

周大將軍琅

琊定公司馬裔墓誌銘

建德元年

諱字郡邑

族出及所歷官闕卒葬贈諡葬地竝書之

亦實例也

周譙國公夫

人步陸孤氏墓誌銘

建德元年

首書諱字

姓郡族出三代及娉年冊拜卒葬年月日

葬地具書

此非合葬也

周車騎大將軍贈小司空宇文顯和墓誌銘

建德二年

體例與司馬裔碑相同惟敘次兼以散行

周太子太保步陸孤逞神道碑

建德三年

庾信撰

首書諱字姓郡次敘世爵及所歷官爵後詳贈諡并

敘夫人亦以合葬也竝及嫡子又加詳也

周儀同松滋

公夫人尉遲氏墓誌銘

建德三年

首書諱及郡邑祖父與長孫夫人墓誌例同其嫁年

卒葬年壽葬地竝書并敘其母以魏公主也

周柱國大將軍紇干宏神道碑

建德四年

庾信撰

首書諱字郡邑族出而不敘其祖父殆非顯爵也次

云公以胎教之月歲德在寅載誕之辰星精出昴此

後人書生年之始卒不書月日年卽見於書葬并及葬地又一例也

周大將軍崔訖神道碑

建德四季

體例與步陸孤逞碑同惟不書夫人殆非合葬也

周車騎將軍賀婁公神道碑

建德四季

與上崔訖神道碑相同惟卒不書年月日略也

周驃騎大將軍開府儀同三司冠軍伯柴夫人李氏墓

誌銘

建德四季

體例與安昌夫人墓誌同其敘嫁年適某與松滋夫人墓誌例同

周上柱國齊王憲神道碑

宣政元季

庾信撰

首論氏族次著諱字郡邑世胄及所歷封爵次書卒
莖年月日并書葬地文一千七百言語多駢偶敘次
詳明銘詞四言此駢體碑文之正例也

周兖州刺史廣饒公鄭常神道碑

大象二年

體例與賀婁公碑同惟不書姓以其無本姓也卒并
不書年壽爲更略也

周大將軍懷德公吳明徹墓誌銘

大象二年

體例與司馬裔墓誌同

周大將軍上開府廣饒公鄭常墓誌銘

大象

年

體例與司馬裔墓誌同惟卒葬不書月日略也

周太傅燕文公于謹墓碑

王褒撰

文多駢偶不書諱字略述世胄及所歷官爵卒年不
書銘詞四言例有詳略也

周太保尉遲綱墓碑

王褒撰

體例與于謹碑略同而不著其世胄官爵祇云任隆
台袞而已

太子太保中都公陸逞碑銘

王褒撰

首書族望及其曾祖祖官闕事跡至陸逞生平歷官
略而不書又一例也

故陝州刺史馮章碑

王褒撰

先敘世胄次述使君四言用韻無銘詞

周上柱國宿國公河州都督辛威神道碑

隋開皇元年季

體例與步陸孤逞碑同卒不書年月日略也不敘夫
人亦非合葬也

車騎大將軍張景略銘 開皇十一年

首書諱與郡邑族出其祖考皆另行祇敘其官爵而
不著其諱又另行述其文行以被徵起家歷官兩職
太卒季月日季壽窆地具書之銘詞四言八句文甚簡
略不事鋪張亦可法也

曹子建碑 開皇十四年

碑有額無題字首著諱字郡邑語多駢偶略敘世胄
述祖父及繫而不詳祖之所自出為陳思諱也其才
華翰藻以至封爵夢逝年歲營墓後敘十一世孫齊

皇建二季請復廟蒸嘗饌容鑄金銘詞五章章皆八句分注其一其二此後人追述以勒石也

隋開府梁州使君陳公碑

開皇十四季

碑多駢語首加讚美次敘諱字

今弱冠爲隋國公寮

佐以及隋高祖時官位事蹟每陟一官加以讚語卒無季壽賜諡營葬具書之末附夫人氏貫有方諧鼓瑟等句或亦耐葬銘詞四言已殘泐不全矣

周驃騎將軍鞏賓墓誌銘

開皇十五季

前有標題首書諱字郡邑及曾祖祖父名與入仕次述其歷官戰勳卒季月日季壽至開皇時其子始厝於某鄉銘詞四言有孝于惟孝句此卽本熹平石經

比邱尼修梵石室銘

開皇十五季

前有標題下書并序二字首著比邱諱姓郡邑及某之女次敘歸某而君子先逝出家入道卒葬並書年月日并及年壽末言兄弟悲慟馮翊吉子揆詞又一例也姚氏曰金石之文與史家異體誌者識也或立石墓上或埋之壙中古人皆曰誌爲之銘者所以識之之辭也然恐人觀之不詳故又爲序世或以石立墓上曰碑曰表埋乃曰誌及分誌銘二之獨呼前序曰誌者皆失其義蓋自歐陽公不能辨矣山左金石志云此文頗雅絜銘爲吉子所撰其序又出一手與朱岱林墓誌正同

安喜公李使君碑

開皇十七季

碑文多磨滅名字已無可攷其所歷官爵至卒年月
日年壽敍次甚明尙可見爾

隋曇詢禪師碑

開皇十九季

首著禪師姓諱郡邑及逢某法師證悟至敕官迎入
大內與卒年年壽弟子某等勒此碑題隋某寺某
禪師碑銘無撰書人姓名葉氏曰文體整麗字格工
好開唐人畦逕

隋伏波將軍陳府君墓誌敘

開皇二十季

首稱君諱字郡邑及祖父諱爵次述其才有集起家
梁岳陽王記室周授都督衛州陳授招遠伏波將軍

隋總管秦王卒于開皇年月年壽葬月日并葬某鄉
遺命不許立銘故無銘辭碑陰載叔三人及其叔母
弟二人息五人女五人并及女夫而息之婦不載後
世墓誌之略仿此例也惟妻某氏在末行葉氏曰詡
由梁而周而陳而隋身歷四朝在隋立碑題曰前陳
可見古時之寬矣

隋羅處士墓誌

仁壽四季

首著君諱字郡邑及高曾諱爵祖父諱無爵所謂學
優不仕惟父名靖父子同名古所罕見也

海陵郡公賀若誼碑

碑有額首作駢語三行已泐僅存三語次著諱字郡

多
邑族出祖父次述學行及厯官功績語多駢偶具書
年壽卒季月日後又總敘其武略銘詞四言缺泐已

淮安趙定公碑

碑已殘缺首以駢語發端次書諱字十一世祖諱字
具書三代竝書其諱而總述其職階次敘其性行厯
官乞骸璽書賜賚以及其卒季月日後復總敘生平
及府佐樹碑銘詞四言亦多缺泐碑首無題額考隋
書趙芬傳不載其諡定以子爵爲男爵亦與碑異

滎澤令常醜奴墓誌

大業三季

厯敘官階自周保定元年起家建德至隋開皇十九

年復選授都督轉熒澤令以及卒年月日春秋皆具

書之顧氏曰墓之有誌始自南朝富孫案晉傅元已

墓誌南齊書宋元嘉中顏延之佗王球石誌素族無

碑策故以紀德自爾以來王公以下咸共遵用今之

傳於世者惟此及梁羅二志為隋代之文爾案南北

傳於今又曰梁任昉撰文章緣起謂誌墓始晉殷仲

文隸釋謂東漢已有墓碑昉未之見也周必大得光

武時梓潼扈君墓輒撫脫隸書而非鐫也以此知東

漢誌墓初猶用甗久方刻石今謂起於江左者疑亦

禁碑之後至晉末復剗為之而名曰誌耳

鷹揚郎將義成子梁羅墓誌 大業四季

體例與前誌畧同顧氏曰志云大漸之期春秋六十
有一按大漸出書顧命疑非人臣所宜稱然列子書
言季梁良一作得疾七日大漸則固已通用之矣漢蔡
邕佗太傅胡公夫人靈表議郎胡君夫人哀讚竝云
疾大漸梁王儉佗褚淵碑文任昉竟陵文宣王子良
行狀亦云大漸彌留沈約安陸昭王緬碑文同此非
後世所宜通用也葉氏曰此碑正書猶帶八分其字
率多假借似非達於文義而書頗不俗

隨故左屯衛大將軍左光祿大夫姚恭公墓誌銘

大業

七季

虞世基撰

首書姓諱字貫次敘祖曾父而不及高祖祖歷敘官

爵每授一官下卽僭其勲績猶是漢製之體其卒年
月日年壽并葬詔賜贈諡具書之銘詞四言韻語皆
正例也碑爲後人重摹故字多脫誤詞意閒有不屬
處

壬戌冬余自都門歸抱宿疴屏絕塵事按讀漢魏六
朝碑碣文因仿王止仲例鉤纂屬橐越歲至武林請
正於今制府阮中丞師頗稱善謂碑碣當以漢魏爲
法六朝猶不失遺意宜將原文及碑式跋寸竝爲載
入俾古制有所攷後于役溧陽返經吳門謁少詹錢
竹汀先生於紫陽講院持此就質繆許侂序從臾先
籽是季先生卽捐館不得元晏一言爲憾臧弄敝篋

已廿餘載恐鼠齧蝨飽擬錄付彫至備載碑文錢資
不易姑俟諸異日焉道光乙酉三月望後富孫并識

光緒歲在丁亥仲春之月吳縣朱記榮槐廬家塾校刊
漢魏六朝墓銘纂例卷四終